

Općinsko vijeće

Broj: 01/1_____/21

Datum: _____.____. 2021. godine

Na osnovu člana 24. Statuta Općine Kakanj ("Službene novine Općine Kakanj" broj: 4/08) te člana ____.
Odluke o izvršavanju Budžeta Općine Kakanj za 2021. godinu ("Službene novine Općine Kakanj " broj:
_____), Općinsko vijeće na svojoj _____ sjednici održanoj dana _____.____. 2021. godine, usvojilo je

PROGRAM

Utroška sredstava od koncesionih naknada za 2021. godinu

I

Planirana sredstva Budžetom Općine Kakanj za 2021. godinu u okviru pozicije "Transfer Zavodu za planiranje i izgradnju po osnovu koncesija", ekonomskog koda 614 300, u iznosu od **1.006.148,00 KM** , raspoređuju se po slijedećim namjenama:

REDNI BROJ	NAZIV PROJEKTA	VRIJEDNOST (KM)
1.	Obaveze po Ugovoru za radove i nadzor na sanaciji klizišta Crnačka stanica	39.411,00
2.	Obaveze po Ugovoru za radove na izgradnji dionice ceste D.Kakanj-Kondžilo sa nadzorom- I faza	267.400,81
3.	Nabavka građevinskog i elektro materijala	25.000,00
4.	Projektovanje, nadzor i tehnički prijemi objekata	30.000,00
5.	Laboratorijsko ispitivanje materijala koji se ugrađuju prilikom izvođenja svih vrsta radova	7.000,00
6.	Rekonstrukcija puta u MZ Brnj	19.998,42
7.	Rekonstrukcija puta kroz Donji Kakanj (od škole do mosta	39.991,21
8.	Rekonstrukcija putne infrastrukture u MZ Ričica	80.998,85
9.	Učešće u izgradnji puta Donji Kakanj – Kondžlo – II faza	200.000,00
10.	Učešće u izgradnji puta Alagići – Kalfići - Crnač	35.000,00
11.	Rekonstrukcija puta Subotinje, MZ Mramor	20.000,00
12.	Rekonstrukcija ceste kod Logosa	11.347,00
13.	Rekonstrukcija puta kroz Barev Do	10.000,00

14.	Asfaltiranje puta u MZ Bjelavići	25.000,00
15.	Rekonstrukcija puta u MZ Modrinje	25.000,00
16.	Rekonstrukcija puta u MZ Bištrani	25.000,00
17.	Rekonstrukcija puta Gornja Ričica	25.000,00
18.	Rekonstrukcija puta Doboj	20.000,00
19.	Rekonstrukcija puta Skenderovići- MZ Tršće	20.000,00
20.	Rekonstrukcija puta MZ Pope	20.000,00
21.	Rekonstrukcija puta MZ Bičer	20.000,00
22.	Rekonstrukcija puta MZ Povezice	20.000,00
23.	Rekonstrukcija puta MZ Koprivnica	20.000,80
	UKUPNO:	1.006.148,00

II

Realizacija navedenih projekata vršiće se na osnovu validne tehničke dokumentacije i provedene procedure po Zakonu o javnim nabavkama ("Sl.glasnik BiH" br.39/14).

III

Za realizaciju projekata po ovom Programu, zadužuje se Zavod za planiranje i izgradnju općine Kakanj.

IV

Ukoliko mještani spriječe realizaciju projekta ili iz bilo kog drugog opravdanog razloga ne dođe do realizacije nekog od projekata ili se projekat ne implementira u skladu planiranim sredstvima, Zavod može sredstva preusmjeriti na drugi projekat iz istog Programa, gdje se ukaže potreba.

V

O realizaciji utroška sredstava po ovom Programu, Zavod za planiranje i izgradnju općine Kakanj je obavezan podnijeti izvještaj Općinskom vijeću

VI

Ovaj program stupa na snagu danom donošenja, a naknadno će se objaviti u "Službenim novinama Općine Kakanj"

PRESJEDAVAJUĆI OPĆINSKOG VIJEĆA

Slaven Katič

OBRAZLOŽENJE

Budžetom općine Kakanj za 2021. godinu za realizaciju Programa utroška sredstava od koncesionih naknada predviđeno je **1. 006.148,00 KM** a raspored predloženih projekata dat je u tabeli prema sljedećim namjenama:

1. Obaveze po Ugovoru za radove i nadzor na sanaciji klizišta Crnačka stanica -39.411,00 KM

Radovi na ovom projektu su ugovoreni u 2018. godini i većim dijelom izvedeni krajem 2018. godine i početkom 2019. godine a dio radova izveden je tokom 2020. godine. Za izvedene radove ispostavljene su privremene situacije. Preostala sredstva po ugovoru, koja su predložena u Programu, su zadržana kako bi Izvođač radova mogao interventno djelovati za slučaj da dođe do većeg klizanja terena na tom području.

2. Obaveze po Ugovoru za radove na izgradnji dionice ceste Donji Kakanj – Kondžilo sa nadzorom (I faza) – 267.400,81 KM

U skladu sa potpisanim Sporazumom o saradnji na realizaciji projekta „Izgradnja dionice ceste Donji Kakanj – Kondžilo“ (grubi radovi-probijanje trase od skretanja za naselje Mramor do postojećeg mosta na rijeci Ribnici - od profila P35 do profila P118 – I faza) između Općine Kakanj, društva „Trgošped“ d.o.o. Kakanj, TC Kakanj i društva „JP Elektroprivreda BiH“ d.d. Sarajevo, ZD RMU „KAKANJ“ D.O.O. KAKANJ, Zavod za planiranje i izgradnju općine je bio obavezan implementirati sredstva od strane TC Kakanj (292.500,00 KM) i Općine Kakanj.

Postupak javne nabavke je proveden tokom 2020. godine i Ugovor je sklopljen sa društvom „Trgošped“ d.o.o. Kakanj na iznos od 1.356.385,50 KM. Radovi su završeni ali obaveze prema Izvođaču radova nisu ispunjene. Plaćanje u prethodnoj godini je izvršeno sa ljeđećih pozicija:

- Donacija TC 292.500,00 KM
- Program utroška sredstav aod koncesija 267.663,15 KM
- Program TE 300.000,00 KM
- Sredstva FBiH 228.821,91 KM

Preostali dug prema Izvođaču radova iznosi 267.400,81 KM.

3. Nabavka građevinskog i elektro materijala - 25.000,00 KM

Predloženi iznos predstavlja minimum sredstava potrebnih za nepredviđene radove koji se mogu pojaviti, a takođe i za manje intervencije na hidrotehničkim objektima (vodovodima i kanalizacijama), kao i drugim objektima na područjima koje najviše ugrožavaju koncesioneri na općini Kakanj. Sredstva sa ove pozicije se uglavnom koriste i kao sufinansiranje Općine u vidu nabavke materijala u situacijama kada mještani sami izvode radove na infrastrukturnim objektima u svojim MZ-a.

4. Projektovanje, nadzor i tehnički prijemi objekata - 20.000,00 KM

Predloženi iznos je potreban za izradu projektne dokumentacije manjeg obima koja je od značaja za Općinu. U fazi realizacije ovog a i drugih programa iz budžeta Općine te sredstava koje opredjeljuju viši nivoi vlasti često se ukaže potrebe za izradom pojedinih projekata, raznih elaborata a isto tako i za nadzor nad izvođenjem radova. Ovom stavkom su obuhvaćeni i troškove izdavanja svih saglasnosti potrebnih u fazi izdavanja Urbanističke saglasnosti i Odobrenja za građenje za projekte od interesa za Općinu. Takođe, s ove pozicije je planirano i plaćanje troškova Komisija za tehničke preglede i prijeme objekata koji su u nadležnosti Zavoda.

5. Laboratorijsko ispitivanje materijala koji se ugrađuju prilikom izvođenja svih vrsta radova – 7.000,00 KM

Poznato je da je prilikom izvođenja radova na nekom objektu obaveza izvođača radova da obezbjedi atestnu dokumentaciju za sve ugrađene materijale, što izvođači u svakom slučaju i urade. Međutim i pored pozitivnih rezultata dostavljene atestne dokumentacije često se u praksi pokaže loš kvalitet ugrađenog materijala a onda uslijedi dugotrajna prepiska između ugovornog organa, nadzora, izvođača, laboratorija i

sl. U skladu sa Smjernicama za projektovanje, građenje, održavanje i nadzor na putevima („Sl. Novine FBiH“ broj 80/06 od 20.12.2006. god.) sve je češća praksa i drugih investitora da neovisno o obavezama izvođača radova vrše kontrole kvaliteta ugrađenog materijala.

6. Rekonstrukcija puta u MZ Brnj – 19.998,42 KM

MZ Brnj je okružena koncesionarima i samim tim ugrožena s aspekta prašine, zagađenosti, buke, oštećene putne infrastrukture i sl. Predloženi iznos je nastavak višegodišnjih ulaganje u putnu infrastrukturu u ovoj MZ- i. Projekat je planiran kroz Program 2020. godine i provedena je javna nabavka. Ugovor o izvođenju radova je sklopljen sa društvom „ Trgošped“ d.o.o. kakanj.

7. Rekonstrukcija puta kroz Donji Kakanj (od škole do mosta) – 39.991,21 KM

Put kroz D.Kakanj prema školi je u kategoriji lošijih puteva na općini Kakanj. Obzirom da je godinama spadao u kantonalnu nadležnost a Kanton nije ulagao u održavanje ovog putnog pravca, put je doveden u veoma loše stanje. Poznato je da je MZ-a D.Kakanj jedna od najugroženijih kada su u pitanju aktivnosti koncesionara na području općine. Predloženi iznos će omogućiti rekonstrukciju najugroženijih dionica na ovom putnom pravcu. Projekat je planiran kroz Program 2020. godine i provedena je javna nabavka. Ugovor o izvođenju radova je sklopljen sa društvom „ Trgošped“ d.o.o. kakanj.

8. Rekonstrukcija putne infrastrukture u MZ Ričica – 80.998,85 KM

Predloženi iznos je nastavak dosadašnjih ulaganja u cestovnu infrastrukturu u ovoj MZ- i uz napomenu da su mnogi putevi u ovoj MZ- i u dosta, dosta lošem stanju, građeni davnih 70- ih samodoprinosima mještana. Projekat je planiran kroz Program 2020. godine i provedena je javna nabavka. Ugovor o izvođenju radova je sklopljen sa društvom „ Trgošped“ d.o.o. kakanj.

9. Učešće u izgradnji puta Donji Kakanj – Kondžlo – II faza – 200.000,00 KM

U skladu sa Protokolom o zajedničkom učešću u realizaciji projekta izgradnje dionice RC D.Kakanj – Kondžilo, zaključenim između Ministarstva za prostorno uređenje, promet i komunikacije i zaštitu okoline ZDK- Kantonalna direkcija za ceste i Općine Kakanj (broj Općine: 02/1-6538/20 od 27.08.2020. godine) učešće Općine iznosi 200.000,00 KM. Obzirom da se radi o području koje je okruženo koncesionarima, Općina ta sredstva opredjeljuje s ovog Programa. Napominjemo da je učešće Kantonalne direkcije za ceste 1.000.000,00 KM i da je već provedena procedura javne nabavke i zaključen Okvirni sporazum sa najpovoljnijim ponuđačem. Izvođač radova je “Trgošped “ d.o.o. Kakanj.

10. Učešće u izgradnji puta Alagići – Kalfići – Crnač – 35.000,00 KM

Na ovoj putnoj komunikaciji još od 2018. godine aktivno je klizište na kojem su rađene manje intervencije, koje nisu dale konačno rješenje a i putna komunikacija je u veoma lošem stanju sa izraženim denivelacijama i udarnim rupama. Za sanaciju klizišta i sanaciju ceste urađena je projektna dokumentacija a predračunska vrijednost projekta iznosi 179.916,00 KM. Projekat je apliciran na javni poziv Federalnog ministarstva raseljenih osoba i izbjeglica na iznos od 50 % predračunske vrijednosti projekta a takođe apliciran je i prema Ministarstvu za rad, socijalnu politiku i izbjeglice ZDK na iznos od 30 % predračunske vrijednosti projekta. Kako je prema javnom pozivu obavezno učešće podnosioca zahtjeva, Općina je uzela učešće sa 20 % odnosno 35.000,00 KM koliko i predlažemo ovim Programom.

11. Projekti od rednog broja 11. do rednog broja 23.

Predloženi projekti su uvršteni u Program po zahtjevima MZ-a i na prijedlog Općinskog načelnika.

OBRAĐIVAČ:

Zavod za planiranje i izgradnju općine Kakanj

PREDLAGAČ:

Općinski načelnik